

Ukiumoortumik naatsorsuutit pillugit inatsit malillugu naatsorsuutininik saqqummiussisarnissamut ikaarsaariarneq pillugu Kalaallit Nunaannut nalunaarut

Ukiumoortumik naatsorsuutit pillugit inatsimmi, kunngip peqqussutaa nr. 625, 23. juni 2008-meersukkut Kalaallit Nunaannut atuutsinneqalersumi, kunngip peqqussutaa nr. 487, 14. maj 2018-meersukkut allanngortinneqartumi § 51, imm. 3, aamma § 164, imm. 4 naapertorlugit aalajangersarneqarpoq:

§ 1. Nalunaarut suliffeqarfinnut ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ilaasunut, aamma ukiumoortumik imaluunniit piginneqatigiiffissuarmut naatsorsuutiminnik kingullerpaanik saqqummiussinerminni ukiumoortumik naatsorsuutit pillugit inatsit pinnagu naatsorsuutit pillugit maleruagassanik allanik atuisimasunut atorneqassaaq.

Imm. 2. Nalunaarut aammattaaq suliffeqarfinnut ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ilaasunut, aamma ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 137 malillugu ukiumoortumik imaaluunniit piginneqatigiiffissuarmut naatsorsuutiminnik kingullerpaanik saqqummiussinerminni naatsorsuutit nunani tamalaani pitsaassusissaat pillugit EU Kommissionip akuersissutigisimasaat IFRS malillugit suliarinnissimasunut atorneqassaaq.

§ 2. Ukiumoortumik naatsorsuutit pillugit inatsit malillugu naatsorsuutininik saqqummiussinermut piffissami ikaarsaariarfusumi oqimaatigiissitsinermi ilanngullugu naatsorsuineri, naliliineri saqqummiussinermilu nalunaarutip maleruagassartai atorneqarsinnaapput, taamaattoq tak. §§ 4 aamma 5. Ukiumoortumik naatsorsuutit pillugit inatsit malillugu naatsorsuutininik saqqummiussinissamut ikaarsaariarnermut piffissaliussaq tassaavoq piffissap ingerlanera siulleq. Suliffeqarfiup ukiumoortumik naatsorsuutit pillugit inatsit, kunngip peqqussutaatigut Kalaallit Nunaannut atuutsinneqalersoq malillugu kisitsisinik imminnut assersuutaasunik saqqummiussiffiata aallartiffia.

§ 3. Suliffeqarfiup naatsorsuutininik saqqummiussinermi ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ikaarsaariarsimasup, ukiumoortumik naatsorsuutit pillugit inatsimmi maleruagassat malillugit piffissamut naatsorsuutininik saqqummiussiffiusumut siullermut tunngasumut §§ 4-9-mi aalajangersakkat ilaannik ataatsimik arlalinnilluunniit atuinnissaq toqqarsinnaavaa.

Imm. 2. §§ 5-9-mi aalajangersakkamik ataatsimik arlalinnilluunniit atuinermit nuussuinerit assigiiaartut assigiiaartumik ilanngullugit naatsorsorneqassapput nalilernerqarlutillu.

Imm. 3. §§ 4-9-mi aalajangersakkamik atatsimik arlalinnilluunniit atuigaanni, naatsorsuusereriaatsimik sorlermik atuineq pillugu nassuiaammi, pinngitsuuisinnaanerit sorliit atorineqarsimanersut paasissutissiissutigineqassaaq, kiisalu aalajangersakkanik taakkuninnga atuineq suliffeqarfiup aningaasaqarnikkut inissisimaneranut, isersitaanut aningaasanillu ingerlaartitsineranut qanoq sunniuteqarsimanersooq pingaarnerusutigut eqqartorneqassalluni.

§ 4. Piffissanut ukiumoortumik naatsorsuutit pillugit inatsit malillugu naatsorsuutiniq saqqummiussinissamut ikaarsaariarneq sioqqullugu pisunut, suliffeqarfiup ukiunut tallimanut takussutissiami kisitsisit pingaarnerit aalajangiisullu naleqqussarnissaat pinngitsoorsinnaavaa, tak. ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 101, imm. 1.

§ 5. Suliffeqarfiit ukiumoortumik imaluunniit piginneqatigiiffissuarmut naatsorsuutiminnik kingullerpaanik ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi, § 1, imm 3, nr. 1 malillugu saqqummiussisimasut inatsimmi matumani aalajangersakkanut ilaatinneqanngissimasut, ingerlatamut unitsinneqartumut angusatik angusat allattorsimaffianni aningaasatut ataasiakalaatut saqqummiussinnaavaat. Ingerlataq unitsinneqartoq pillugu naliliutit pisussaaffillu oqimaaqatigiissitsinermit aningaasatut ataatsimut katitatut saqqummiunneqarsinnaapput.

Imm. 2. Ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi § 101 malillugu takussutissiami imm. 1 assigisaanik atorineqassaaq.

Imm. 3. Imm. 1 atorineqarpat, ingerlataq unitsinneqartoq pillugu angusat, naliliutit pisussaaffillu oqaaseqaatini pingaarnertut allattukkani erseqqissaatigineqassapput. Erseqqissaatini ukiumoortumik naatsorsuutit pillugit inatsit, kunngip peqqussutaatigut Kalaallit Nunaannut atuutsinneqalersooq malillugu naatsorsuutiniq saqqummiussinissamut ikaarsaariarneq sioqqullugu piffissanut tamanut tunngasut ilaassapput.

§ 6. Suliffeqarfiup ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi, suliffeqarfiit kattunneri pillugit aalajangersakkat suliffeqarfiit kattunnerinut, inatsit taanna malillugu naatsorsutiniq saqqummiussinermut ikaarsaariarneq sioqqullugu pisunut atunngissinnaavaa.

Imm. 2. Imm. 1 atorineqarpat, naliliutit pisussaaffillu, suliffeqarfiit kattunnerinut attuumassuteqartut, ukiumoortumilli naatsorsuutit pillugit inatsimmi, kunngip peqqussutaatigut Kalaallit Nunaannut atuutsinneqalersumi aalajangersakkat malillugit piffissami inatsit manna malillugu piffissami naatsorsuutiniq saqqummiussinermi suliffeqarfiit kattunnerinut tutsuvigineqarluarnermut ilaasutut naatsorsuunneqarsinnaanngitsut, oqimaaqatigiissitsinermit ilanngullugit naatsorsuunneqarsinnaanngillat.

§ 7. Ukiumoortumik naatsorsuutit pillugit inatsit, kunngip peqqussutaatigut atuutsinneqalersooq malillugu naatsorsuutiniq saqqummiussinissamut ikaarsaariarneq sioqqullugu nunat allamiut aningaasaataasa nalingisa ukiumoortumik suliffeqarfiup aningaasaqarnikkut naatsosuutaannik suliaqarnermi

ikaarsaariarnerup nalaani nunat allamiut aningaasaata nalinga atorneqassaaq ukiumoortumik naatsorsuutit pillugit inatsisip Kalaallit Nunaannut atuutsinneqalernissaanut peqqussut pillugu nalunaarut malillugu.

Imm. 2. Imm. 1 taamaallaat oqimaaqatigiissitsinermi allattattukkanut, ullormi oqimaaqatigiissitsiffiusumi aningaasat nalinginut siusinnerusukkut naatsorsorneqarsimasunut, ukiumoortumilli naatsorsuutit pillugu aalajangersakkat malillugit ullormi aningaasanik nuussiffiusumi aningaasat nalinginut naatsorsorneqartussaasunut atorneqassaaq.

§ 8. Piffissami ukiumoortumik naatsorsuutit pillugit inatsit, kunngip peqqussutaatigut Kalaallit Nunaannut atuutsinneqalersoq malillugu naatsorsuutiniq saqqummiussisalnissamut ikaarsaariarfiusumi, suliffeqarfiup sanaartornikkut naliliutini tigussaasut tigussaannngitsullu naliliutit suliffeqarfiup maannamut naatsorsuuseriaasia malillugu akiviinut aamma naliliutit nalimmassarnerinut katitanut aalajangersassallugit toqqarsinnaavaa, ilanngullugu naleqarnerulersitsisinnaalluni, naleerutsitsisinnaalluni nalikinnerulersitsisinnaallunilu. Ilanngullugu piffissanut ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut ikaarsaariarnermut sioqqutsisunut, inatsimmi matumani § 43-mik sanaartornermik naliliutinut atuinnginnissaq suliffeqarfiup toqqarsinnaavaa, ukiumoortumik imaluunniit piginneqatigiiffissuarmut naatsorsuutini kingullerpaani taakku sanaartornermi naliliutitut tigussaannngitsutut atuuffissaanik aalajangeruminaatsutut nalilerneqarsimappata, assersuutigalugu tutsuvigineqarluarnermut goodwillimut tunngallutik.

§ 9. Suliffeqarfiup piffissami ukiumoortumik naatsorsuutit pillugit inatsimmut, kunngip peqqussutaatigut Kalaallit Nunaannut atuutsinneqalersumut naatsorsuutiniq saqqummiussinissamut ikaarsaariarfigisaani, sanaartukkanut naliliutini tigussaasut tigussaannngitsullu, suliffeqarfiup naatsorsuuserinermini maannamut suleriaaserisimasaa malillugu ullormi nalinga malillugu naatsorsorsimasai, suliffeqarfiup naatsorsuuserinermini maannamut suleriaaserisimasani malillugu ullormi nalinginut naatsorsorsinnaavai.

Imm. 2. Imm. 1 apeqqutaatinnagu, naatsorsuuserinermut siusinnerusukkut periusaasimasooq malillugu akiviata naatsorsornera, pissamaatit pituttornerisa naatsornerinut tamanna tunngaviussaaq, tak. ukiumoortumik naatsorsuutit pillugit inatsimmi, kunngip peqqussutaatigut Kalaallit Nunaannut atuutinnqalersumi § 41, imm. 3.

§ 10. Nalunaarummik matuminnga unioqqutitsinermi akiliisitsineq eqqartuussutigineqassaaq, Kalaallit Nunaanni pinerluttulerinermi inatsit malillugu pisuutinneqarluni allamik pineqaatissinneqarsimannngikkaanni. Piginneqatigiiffiit il.il. (inatsisitigut pisinnaatitaasut pisussaataitaasullu) Kalaallit Nunaanni pinerluttulerinermik inatsimmi kapitali 5-imi maleruagassat malillugit pinerluttulerinermi inatsisinik unioqqutitsisimasutut akisussaatinneqarsinnaapput.

§ 11. Nalunaarut 1. juli 2018-imi atuutilerpoq.

Imm. 2. Nalunaarut ukiumoortunik nalunaarusianut 1. juli 2018-imi kingusinnerusukkulluunniit saqqummiunneqartunut atuutissaaq.

HENNING STEENSIG

/ Henrik Davidsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut